

FAAFINTA

الرسمية

OFFICIAL

RASMIGA AH

الجريدة



BULLETIN

EE JAMHUURIYADDA SOOMAALIYA

Sanadka 8aad

FAAFIN SANADLE

Muqdisho

2020

Waaxda Maamulka Faafinta Rasmiga ah
Ee Xafiiska Garyaaanka Guud ee Dawladda

Uruurinta Sharciyada iyo Wareegtooyinta ee Jan-December 2020

Qiimaha waa \$XXX Dollar, lambar waliba – **RUKUNKA:** Sanaddii waa \$XXX Dollar, Soomaaliya gudaheeda – Dibaddeedana waa \$XXX Dollar.

Rukunka la weydiisto waqtiga loo gooyay wuxuu ka bilaabmaa 1 Janaayo. Qiimaha Qoritaanku F.R halkii sadar iyo wixii ka yar waa \$XXX Dollar – Rukunka iyo Qoritaanku waxaa la weydiistaa Laanta Maamulka Faafinta Rasmiga ah – Lacagta waxaa lagu bixiniyaa Xafiiska Canshuuraha ee Wasaaradda Maaliyadda.

KOBNIIN

BOGGA KOOWAAD

SHARCI

W.M

BOGGA LABAAD

XEER

BOGGA SEDDEXAAD

TALOOYIN, ISGAARSIIN, OGAYSIIS, IWM

SANADKA

2020

Ku dhaqan Xafiis D.

FAAFINTA

الرسمية

OFFICIAL

RASMIGAAH

الجريدة

BULLETIN

EE JAMHUURIYADDA SOOMAALIYA

Sanadka8aad Muqdisho, 10 July2020 Lr. 2

Waaxda Maamulka Faafinta Rasmiga ah
Ee Xafiiska Garyaqanka Guud ee Dawladda

FAAFIN BIL SOO BAXA

Qiimaha waa \$XXX Dollar, lambar waliba – **RUKUNKA**: Sanaddii waa \$XXX Dollar, Soomaaliya gudaheeda – Dibaddeedana waa \$XXX Dollar. Rukunka la weydiisto waqtiga loo gooyay wuxuu ka bilaabmaa 1 Janaayo.Qiimaha Qoritaanku F.R halkii sadar iyo wixii ka yar waa \$XXX Dollar – Rukunka iyo Qoritaanku waxaa la weydiistaa Laanta Maamulka Faafinta Rasmiga ah – Lacagta waxaa lagu bixiniyaa Xafiiska Canshuuraha ee WasaaraddaMaaliyadda.

KOBNIIN

BOGGA KOOWAAD

SHARCI

W.M

BOGGA LABAAD

XEER

BOGGA SEDDEXAAD

TALOOYIN, ISGAARSIIN, OGAYSIIS, IWM

Bilaha

March - Juun

2020

**ANSIXINTA SHARCIGA JAAN-GOYNTA & TAYA-DHAWRKA
SOOMAALIYEED**

MADAXWAYNAHA J.F.S

MARKUU ARKAY: Qodobka 87aad, Faqradda 1aad iyo Faqradda 2aad ee Dastuurka KMG

MARKUU ARKAY: Qodobka 90aad, Xarafka "F" ee Dastuurka KMG

MARKUU ARKAY: Warqadda Guddoomiyaha Golaha Shacabka GSH/254/12/01//B-10/20 Taariikh: 16/01/2020 kuna saabsan ansixinta Sharciga Jaan-goynta & Taya-dhawrka Soomaaliyeed

MARKUU TIXGELIYAY: Baahida loo qabo in la ansixiyo lana meel-mariyo Sharcigan

Waxa Madaxweynuhu soo saaray Sharcigan:

Qodobka 1aad

Laga bilaabo marka uu Madaxweynuhu saxiixo Sharcigan, waxa si rasmii ah loo oggolaaday Sharciga Jaan-goynta & Taya-dhawrka Soomaaliyeed


Qodobka 2aad

Marka uu Madaxweynaha JFS saxiixo Sharcigan, waxaa lagu soo daabici doonaa Faafinta Rasmiga ah ee Jamhuuriyadda Federaalka Soomaaliyeed.

MUQDISHO: 30/03/2020

Madaxweynaha J.F.S
Maxamed Cabdullaahi Maxamed (Farmaajo)

JAMHUURIYADDA FEDERAALKA SOOMAALIYA
XAFIISKA HANTIDHAWRKA GUUD
WAA LA DIWIWAAN GELIYEY
DIWIWAAN NO: HAN/054/2020
TAARIKH: 30/03/2020
SAXIIXA HANTIDHAWRKA GUUD



JAMHURIYADDA FEDERAALKA SOOMAALIYA
SHARCIGA JAAN-GOYNTA IYO TAYO-DHAWRKA
SOOMAALIYEED

QEYBTA 1AAD
MAGAC, UJEEDDO, ERAY-BIXIN, BAAXADDA IYO AWOODDA
SHARCIGA

QODOBKA 1aad
MAGACA SHARCIGA

Sharcigan waxaa lagu magacaabaa “**Sharciga Jaan-goynta iyo Tayo-dhawrka Soomaaliyeed**” (Somali Standards and Quality Control Act).

QODOBKA 2aad
UJEEDDADA SHARCIGA

Ujeeddada Sharciga Jaan-goynta iyo Tayo-dhawrka Soomaaliyeed waa;

1. In uu horumariyo siyaasadda Jaan-goynta iyo Tayo-dhawrka Qaran, iyo In uu daboolo baahiyada loo qabo xeerarka jaangooyooinka, cabirrada, baarista iyo hubinta tayada badeecadaha.
2. In lagu **hago** xeer-nidaaminta tayo-dhawrka ee lagu maamulo tayada badeecadaha iyo adeegyada, sida kuwa soo gala Dalka ama **laga** dhoofiyi iyo kuwa gudaha Dalka laga soo saaro ama laguisticmaalo.
3. In uu ilaaliyo bad-qabka qofka ama bulshada, caafimaad ahaan iyo dhaqaaleahaan;
4. In lagu dhiso Hay’adda Tayo-dhawrka Soomaaliyeed; iyo
5. In uu sugo kalsoonida isticmaalaha iyo nabadjelyadiisa, isla markaana wuxuu abuurayaa kalsooni lagu qabo tayada badeecadda dalka soo-gasha, midda ka dhoofta iyo tacabka dalka laga soo saarointaba.

QODOBKA 3aad QEEXID

Erayadan halkan ku xusan waxaa loo micnaynayaa sida soo socota haddii aan si kale loogu qeexin Sharcigan dhexdiisa:

1. **“Hay’adda Tayo-dhawrka”:** waxaa loola jeedaa Hay’adda Tayo-dhawrka Soomaaliyeed (Somali Bureau of Standards - SoBS).
2. **“Adeeg”:** waxaa loola jeedaa bixinta baahida bulshada ee aan la taaban karin;
3. **“Agab”:** waxaa loola jeedaa dhammaan badeecadaha kala duwan ee dalka la keeno, laga dhoofiyi ama lagasoo-saaro.
4. **“Anfaaci”:** waxaa loola jeeda wax kasta oo la quuto;
5. **“Baaris”:** waxaa loola jeedaa daba-galka rasmiga ah oo ay hay’addu sameyso si looogaado in loo hoggaansamay shariyada Hay’adda iyo kuwa dalka guudahaan;
6. **“Been-abuurad”:** waxaa loola jeedaa samaynta walxo qiimohoodu liito loonaekaysiiyay kuwo qiimahoodu sareeyo;
7. **“Cabbiraad”:** waxaa loola jeedaa hab cilmi qiyaseed lagu ogaado tilmaamahadherer, mug, cuf iyo wixii lamid ah oo ay leeyihiiwalxuhu;
8. **“Dhawridda”:** waxaa loola jeedaa ilaalinta heerka tayo-wanaagga dhammaanbadeecadaha dalka ka baxa, soo galaya ama kadhoofaya;
9. **“Dhoofin”:** waxaa loola jeedaa u dirista dal kale alaab ama adeeg yaala Dalkagudhiisa;
10. **“Gole”:** waxaa loola jeedaa xubnaha Hay’adda Tayo-dhawrka Soomaaliyeed;

11. “**Hal-beeg caalami**”: waxaa loola jeedaa heer tayeedka ama jaan-gooyada ay oggolaatay Hay’adda tayo-dhawrka caalamka (ISO);
12. “**Hal-beeg**”: waxaa loola jeedaa summad la xafiday oo lagu dabaqayo hannaanka caddaynta agabka ee tilmaamaya helitaanka kalsooni ku filan agabka amaadeegga;
13. “**Hal-beeg Qaran**”: waxaa loola jeedaa heer tayeedka ama jaan-gooyada ay oggolaatay Hay’adda tayo-dhawrka Soomaaliyeed.
14. “**Heer-tayeedka**”: waxa loola jeedaa summad la xafiday oo lagu dabaqayo hannaanka caddaynta agabka ee tilmaamaya helitaanka kalsooni ku filan agabka amaadeegga;
15. “**Jaan-gooyada**”: waxaa loola jeedaa summad la xafiday oo lagu dabaqayo hannaanka caddaynta agabka ee tilmaamaya helitaanka kalsooni ku filan agabka amaadeegga.
16. “**Joojin**”: waxaa loola jeedaa diidmada agabka ku dhaca in uu buuxin waayo heerar tayeedka iyo shuruudaha looga baahan yahay;
17. “**Kormeere**”: waxaa loola jeedaa shaqaale ka tirsan Hay’adda oo hawshiisu tahay daba-galka hawl si gaar ah looguxilsaaray;
18. “**Shahaadada tayada**”: waxaa loola jeedaa qoraal rasmi ah oo kasoo baxay Hay’addatayo-dhawrka Soomaaliyeed kaas oo qeexaya heerka tayada walxaha lagahadlaayo;
19. “**HTS (SoBS)**”: waxaa loola jeedaa Hay’adda Tayo-dhawrka Soomaaliyeed (Somali Bureau of Standards oo lasoogaabiyyey);
20. “**Summadda tayada**”: waxaa loola jeedaa xaraf ama xarfo qoraal ama sawir iyo wixii la mid ah taas oo macno gaar ah u leh Hay’adda Tayo-dhawrka oo tilmaameysa tayadawlxaha;
21. “**Tayada**”: waxaa loola jeedaa tilmaan lagu garto heerka sarreyn taamaamaya walxaha; iyo

22. “**Tayo-dhawrka**”: waxaa loola jeedaa ilaalinta heerka tayada walxaha.

QODOBKA4aad KU DHAQANKA SHARCIGAN

1. Sharcigan waxaa lagu maamulayaan dhammaan howlaha Jaangooyoyinka, cabirrada iyobaaridda.
2. Sharcigan waxaa Lagu dhaqayaa tayada badeecadaha ama adeegyada soo-gala Dalka, kuwa laga-dhoofiyiyo iyo kuwa lagu isticmaalo Dalkagudahiisa.

QEYBTA 2AAD HAY'ADDA TAYO-DHAWRKA

QODOBKA 5aad

DHISMAHA HAY'ADDA TAYO-DHAWRKA SOOMAALIYEED

- 1- Si loo gaaro ujeeddooyinka ku xusan qodobka 2^{aad}ee Sharcigan, waxaa Sharcigan lagu dhisay “**Hay’adda Tayo-dhawrka Soomaaliyeed**” (Somali Bureau of standards - SoBS) si waafaqsan dastuurka **KMG**, taasoo mas’uul ka noqonaysa maamulka iyo nidaaminta Tayo-dhawrka badeecadaha soo gala dalka, kuwa la dhoofiyiyo iyo kuwa gudaha Dalka laga soo saaro ama lagu isticmaalo.
- 2- Hay’adda waxay leedahay shaqsiyad-qaanuuneed iyo astaan u gaar ah.

QODOBKA 6aad XARUNTA HAY'ADDA

Xarunta Hay’addu waa Caasimadda Jamhuuriyada Federaalka Soomaaliya ee Muqdisho, waana in ay xafiisyo ku yeelataa dhammaan magaalo madaxyada Dawlad-goboleedyada Xubnaha ka ah **Dowladda** Federaalka iyo xuduudaha laga soo galoo dalka.

QODOBKA 7aad

XILKA IYO WAAJIBAADKA HAY'ADDA

Hay'addu, iyadoo raacaysa sharcigan iyo shuruucda kale ee dalka, waajibaadkeeda waxaa ka mid ah:

- 1- In ay dajiso siyaasad, Xeer-hoosaad, hab-raacyo iyo jaan-goyn sharciga waafaqsan oo lagu cabbiro tayada cuntooyinka iyo badeecadaha lagu isticmaalayodalka.
- 2- In ay baarto ayna hubiso cuntooyinka iyo badeecdaha kale ee dalka la-keenayo in ay san xanbaarsanayn khatar iyo halis waxyeelo u geysan kara shacabka.
- 3- In ay diyaariso halbeegyo (standards) iyo cabbirro looga hor-tagayo waxyeelooyinka caafimaad oo ay u keeni karaan bulshada cuntooyinka iyo daawooyinka dhacay, kuwa tayadoodu hooseeyso ama si u la kac ah tayadooda hoos loogudhigay.
- 4- In ay hubiso tayada wax soo saarka gudaha dalka, si loo ilaaliyo caafimaad ahaan iyo dhaqaale ahaan shacabka Soomaaliyeed.
- 5- In ay qeyb ka noqoto habraaca sharci siinta shirkadaha baarayabadeecadaha (Quality Control Companies) ee ka hawl-galaJFS.
- 6- In ay abuurto Sheybaar Qaran oo lagu hubiyo tayada badeecoooyinka iyo agabka dalka la soo geliyo ama laga dhoofiyio.
- 7- In ay bixiso shahaadooyin dhiiri gelin wanaag iyo astaamo tayo (QualityMark).
- 8- In ay kor-u-qaaddo wacyiga bulshada ee ku aaddan hal-beegyada iyo Tayo-dhawrka.

QODOBKA 8aad

MADAX-BANNAANIDA HAY'ADDA

Hay'adda Tayo-dhawrka Soomaaliyeed waa hay'ad madax-bannaan marka ay gudanayso waajibaadkeeda shaqo si waafaqsan Sharcigan,

waxayna leedahay shaqsiyad-qaanuuneed, waxayna maamul ahaan hoostageysaa Wasaaradda Ganacasiga iyo Warshadaha.

QODOBKA 9aad MIISAANIYADDA HAY'ADDA

1. Miisaaniyadda Hay'addu waxay ka mid tahay miisaaniyadda guud ee Qaranka.
2. Hay'addu waxay u madax-bannaan tahay maamulka miisaaniyaddeeda iyadoo raacaysa Xeerka maamulka miisaaniyadda ee XukuumaddajFS.

QODOBKA 10aad QAAB-DHISMEEDKA HAY'ADDA IYO MUDDADA XIL- HAYNTA GOLAHA HAY'ADDA

Qaab-dhismeedka Hay'adda Tayo dhowrka Soomaaliyeed ee SoBS waxa uu noqonayaa sida soo socta:-

1. Gole maamul (Board of Directors) oo ka kooban 13 xubnoodoo **ugu yaraan 3 ka mid ah ay yihiin haween:**
 - a) toban (10) xubnood oo xirfadlayaal sare ah **oo aqoon u leh shaqada Hay'adda uu metelayo, kuwaas** oo ka kala yimid: Wasaaradaha shaqada ku leh Tayodhowrka sida Wasaaradda Ganacsiga, Beeraha, Xanaanadda Xoolaha, Caafimaadka, Hawlaha Guud, Kaluumaysiga, wasaarada gaadiidka, wasaaradda biyaha iyo tamarta, wasaaradda batroolka iyo hay'adda Bey'ada, oo min xubinah.
 - b) Xubin ka imaaneysa ganacsatada (Rugtaganacsiga.)
2. Sidoo kale hay'addu waxay yeelaneysa Maareeye, Maareeye Xigeen iyo waaxyo kala duwan oo mid walba leedahay xil iyo waajibaadcad.
3. Muddada Xil-haynta Golaha Maamulka (Board of Directors) markalagareebomaareeyahaiyomaareeyekuxigreenkawaaafar (4) sano oo hal mar loo cusboonaysiin karo.

4. Golaha Maamulka Hay'adda Tayo dhowrka (Board of Directors) waxay iska dhix dooranayaan Gudoomiyaha Golaha laakiin Maareeyaha iyo Maareeye kuxigeenku isuma sharaxi karaan xilka Guddoomiyaha.

QODOBKA 11aad

SHURUUDAHA XUBINNIMADAGOLAHA

1. Inuu yahay / **ay tahay** Muwaadin Soomaaliah.
2. In aysan da'disa/**da'deeda** ka yarayn **30 (Soddon)** sano.
3. In uu haysto/**haysato** Shahaado heer jaamaceed oo la aqoonsan yahay.
4. In uu leeyahay/**leedahay** khibrad shaqo ugu yaraan muddo **5 (Shan)** sano ah marka laga reebo Maareeyaha iyokuxigeenkiisa.
5. In uu/**ay** dhimir ahaan caafimaadqabo.
6. In ay san maxkamadi ku **xukumin** fal dambiyeed shantii sano ee u dambeysay.

QODOBKA 12aad

XILKA IYO WAAJIBAADKA GOLAHA MAAMULKA (BOARD OF DIRECTORS)

1. Waxay qiimeynayaan ka dibna ansixiyaan halbeegyada iyo cabirrada tayodhownka ay soo bandhigaan maareeyaha iyo gudiyada farsamada ee Hay'daha Tayo-dhowrka Soomaaliyed.
2. Waxay meel-mariyaan miisaaniyada, qaab dhismeedka waaxyaha iyo Qorshe-hoowleedka Hay'adda kaddib marka uu horkeeno Maareeyaha.
3. Golaha maamulka iyaga iyo maareeyaha waa in ay ku soo saaraan shirkooda ugu horreyya xil howleedka maareeye ku xigeenka iyo agaasime waaxeedyadahay'adda.
4. Waxay ku kormeeraan Maamulka hay'adda fulinta howlihii loo ansixiyay.

QODOBKA 13aad

XIL HEYNTA MAAREEYAH A IYO MAAREEYE KU-XIGEEENKA

Maareeyaha iyo Maareeye kuxigeenka Hay'adda Tayo-dhowrka Soomaaliyeed waxay xilka haynayaan mudo shan (5) sano oo la cusboonaysiin karo.

QODOBKA 14aad
SHRUUUDAH MAAREEYAHAYO KU-XIGEEENKIISA

1. Maareeyaha iyo Maareeye kuxigeenka Hay'adda Tayo-dhowrka Soomaaliyeed waa in ay ahaadaan xirfadlayaal sare oo aqoon iyo qibrad u leh hawlaха hay'adda iyomaamulka.
 2. In ay leeyihiiн shahaado Jaamacad ugu yaraan heerka 1aad.
 3. Waxaa soo xulaya oo Golaha Wasiirada hor keenaya Wasiirka Wasaaradda Ganacsiga iyo Warshadaha.

QODOBKA 15aad

XILKA IYO WAAJIBAADKA MAAREEYAHAY HAY'ADDA

SoBS

1. Maareeyaha Hay'adda Tayo dhowrka Soomaaliyeed waa masuulka ugu sarreeyo Hay'adda kaddib Golaha Maamulka, waana hagaha iyo madaxa maamulka hay'adda Tayo dhowrka Soomaaliyeed.
 2. Waxaa uu masuulka yahay fulinta howl-maalmeedka Hay'adda.
 3. Waxaa uu ku matalaa magaca hay'adda xiriirkka ay la leedahay Hay'adaha kale ee Dowladda iyo Xiriirkha Hay'adaha caalamigaah.
 4. Wuxuu u diyaariyaa, fuliyaana qorsha-howleedka hay'adda kaddib markay ansixiyaan Golahamaamulka.
 5. Wuxuu u kuur-galaa fulinta dhammaan hawlahaa Hay'adda ee ku cadsharcigan.

6. Wuxuu u gudbiyaa Wasaaradda Ganacsiga qorsho-sanadeedka Hay'adda;
7. Wixa uu magacaabayaagaa agaasimayaasha waaxyaha Hey'adda iyo Madaxda. Xafiisayada Dawlad-goboleedyada Xubnaha ka ah Dowlada Federaalka ka dib marka uu kala tashado Wasiiradda Ganacsiga ee MaamulGoboleedyada.
8. Wixii kale ee Sharcigan iyo xeer-hoosaadka hay'addu uxilsaaro.

QODOBKA 16aad **MAS'UULIYADDA MAAREEYE KU-XIGEENKA**

1. Wuxuu buuxiyaa kaalinta Maareeyaha marka uu maqan yahay ama ay ku yimaadaan duruufa ka hor-istaagi kara gudashada waajibaadkiisa.
2. Wuxuu qabanayaa wixii kale ee uu Maareeyuhu uxilsaaro.

QODOBKA 17aad **KULAMADA GOLAHAY'ADDA**

Golaha Hay'adda Tayo-dhawrka wuxuu yeelan karaa shir caadi ah iyo shir aan caadi ahayn haddii loo baaahdo, waxayna u dhici karaan sida soo socoto:

1. Kulamada caadiga ah ee Golaha waxay noqonayaan sadexdii bilba mar. haddii aysan Goluhu go'aansan in la qabto waqtii ka duwan, waxaana isugu yeeraya guddoomiyahagolaha.
2. Guddoomiyuhu wuxuu isugu yeeri karaa kulan deg deg ah oo aan caadi ahayn haddii loo baahdo, sidoo kale haddii ay isku raacaan 2/3 (saddex meelood labo meel) xubnahaGolaha.
3. Kulanka wuxuu ku ansaxayaa marka ay ka soo qeyb-galaan aqlabiyyadda xubnaha Golaha Maamulka Hay'adda Tayo-dhawrka,

waxayna go'aanka ku gaarayaan 2/3 (saddex meelood labo meel) ee tirada guud ee xubnaha Golaha.

4. Kulamada caadiga ah xubin kasta waxay xaq u leedahay in la soo gaarsiyo ajendaha shirka ugu yaraan 24 (labaatan iyo afar) saac ka hor inta uusan qabsoominShirka.
5. Goluuh wuxuu fadhiigiiwa ku marti-qaadi karaa Wasiirka Wasaaradda Ganacsiga ama wasiir kale oo ka mid ah Wasaaradaha wada shaqaynta la leh iyo qof kasta oo kasoo qeyb-galkiisa ay u arkaan muhiim, isaga oo aan la heyncod.

QODOBKA 18aad **GUNNADA XUBNAHA GOLAHА**

1. Golaha Maamulka hay'addu Shaqadoodu waa shaqo waqtii dhimman (**Part- time**), mana laha Mushahaar joogto ah waayo waa shaqaale dawladeed, marka laga reebo Maareeyaha iyo Ku-xigeenkiiisa.
2. Sedax iyo tobanka (13) xubnood waxa keliya oo ay xaq u leeyihiiin gunno lagu siinayo fadhiyadooda oo looga bixinayo kharashka ku galay ka soo qaybgalka kulamada.
3. Gunnada xubnaha Goluuh (board of Directors) ku helayaan fadhiyadooda waxaa lagu qeexi doonaa xeer nidaamiye uu ku soo saaridoono wasiirka ganacsiga iyowarshadaha.

QODOBKA 19aad **MASUULIYADDAXOGHAYNTA**

Hay'addu waxay yeelanaysaa xog-hayaha Golaha maamulka oo aan ka mid ahayn Golaha, shaqadiisuna tahay sida soosocoto:

1. Wuxuu keydiyaa, ilaaliyaana documentiyada maamulka iyo xog sireedka eehay'adda.
2. Wuxuu diyaariyaa ajandaha shirka Golaha maamulka (Board of Directors) kaddib marka uu kala **tashado** maareeyaha, isla markaana qoraa doodda shirka, isku dubaridaa gaarsiiyaana xubnaha kale eeGolaha.
3. Waxaa uu gaarsiiyaa xubnaha Golaha Maamulka, fariimaha loo baahan yahay kaddib markuu ka helo maareeyaha amarka ah in la gaarsiyo.
4. Waa madaxa uga hooseeyo maareeyaha iyo ku xigeenkiisa maamulka howlaha xafiiska isla markaana ah isku xiraha xafiiska iyo hay'adaha kale si waafaqsanxeerkan.

QODOBKA 20aad WADA-SHAQEYNTA HAY'ADDA IYO WASAARADDA

1. Hay'adda Tayo-dhawrka Soomaaliyeed waxay wada shaqayn iyo latashiyo joogta ah la yeelan doontaa Wasaaradaha Dawladda, Dawlad-goboleedyada dalka, Maamulka Gobolka Banaadir, haya'daha Amniga Qaranka iyo ganacsatada Soomaaliyeed; iyo
2. Hay'adda tayo-dhawrka waxay wada-shaqayn joogta ah la yeelanaysaa hay'adaha dawladda si loo waafajiyo Sharciga tayo-dhawrka Soomaaliyeed **ijo** shuruucda kale eedalka.

QODOBKA 21aad SABABAHA LAGU WAAYI KARO XILKA

Dhammaan shaqaalaha Hay'adda waxay xilka ku waayi karaan arrimaha soo socda:

b. Geeri

- t. Is-casilaad la aqbalay**
- j. In caafimaad-darro awgeed u-gudan waayo waajibaadkiisa;**
- x. In lagu helo danbi la xariira shaqadiisa ama maxkamadi xukunto.**

QODOBKA 22aad GUDDIYO FARSAMO

1. Hay'addu waa in ay yagleeshaa guddiyo farsamo oo aqoon iyo takhasus lagu sooxulay.
2. Guddiyadan farsamo waxaa magacaabaya Maareeyaha Hay'adda isagoo la tashanaya Golaha Hay'adda.

QODOBKA 23aad SHAQOOYINKA GUDDIYADA FARSAMO

1. In ay diyaariyaan hal-beegyo iyo Jaangooyooyin faahfaahsan lanafahmi karo kaas oo la xiriira xirfadaha kala duwan ee tayo-dhowrka looga baahanyahay.
2. In ay daraaseeyaan hal-beegyada iyo Jaangooyooyin caalamiga ah,kuwa gobolka iyo ka talo-bixinta sida loogu qaadan karo hal-beegyadaas in ay noqdaan kuwo Soomaaliyeed;
3. in ay joogteeyaan dib u eegista halbeegyada iyo jaangoynta Soomaaliyeed iyo soo jeedinta wax kabadalka howl kasto oo muhiim u ah diyaarinta halbeegyada loobaahnyahay.
4. In la caddeeyo digniinaha luqadaha qalaad ee ku suntan agabka iyo anfaaciga iyo dhammaan badeecadaha keeni kara halis caafimaad, dhaawac iyodhimasho.

QODOBKA 24aad CODSIGA IYO ILAALINTA XOGAHA

1. Hay'adda tayo-dhawrka Soomaaliyeed waa Hay'adda kaliya ee u xilsaaran xogta khuseeysa hal-beegyada iyo tayo-dhawrka Soomaaliya.
2. Ciddii u baahan Xog ku saabsan hal-beegyada Soomaaliya waxay ka dalban karaan oo kaliya Hay'addaan.
3. Hay'adda waxay ilaalinaysaa sirta ganacsi iyo xogta kale ee qarsoodiga ah oo ay ka soo ururisay shirkadaha si waafaqsan sharcigan iyo shuruucda kale eedalka.

QEYBTA 3AAD HAL-BEEGYADA TAYO-DHAWRKA QODOBKA 25aad UJEDDADA TAYO-DHAWRKA

Tayo-dhawrka waxaa loola jeedaa:

1. Caddeyntha in badeecada ama adeeggu waafaqsan yahay halbeega Dalka, gobolka iyo midka Caalamiga.
2. In ganacsatada loo fududeeyo sidii ay u xulan lahaayeen agab iyo adeeg waafaqsan halbeegyada Dalka, gobolka iyo kuwa Caalamiga ah.
3. Kor-u-qaadidda tartanka tayaysan ee agabka iyo adeegyada heer Qaran iyo heer Caalamii; iyo
4. Abuuridda jawi ay si xor ah oo badeecooyinku isaga gudbi karaan Soomaaliya iyo suuqyadacaalamiga.

QODOBKA 26aad

HAL-BEEGYADA TAYO DHOWRKA EE SI KMG AH LOOGU SHAQEYNAYO

Hay'adda tayo-dhawrka Soomaaliyed waxay si ku meel gaar ah ugu shaqeynaysaa mid kamida ah hal-beegyada caalamka ee la aqoonsanyahay oo la waafajiyey **Shareecada Islaamka** (Halal Standards) intii laga dhameystirayo xeerar iyo halbeegyo buuxa oo Soomaaliya leedahay.

QODOBKA 27aad

HABABKA DIYAARINTA HAL-BEEGYADA IYO ANSIXINTOODA

1. Guddiga farsamo waxay u soo-gudbinayaan hal-beegyada ay diyaariyeen Maareeyaha Hay'adda, markuu daraaseeyo kaddib wuxuu u bandhigayaa Golaha maamulka ee Hay'adda.
2. Marka ay isla oggolaadaan Golaha Hay'adda tayo-dhawrka soomaaliyed, waxaa lagu soo saarayaa hal-beegyadaas Faafinta rasmiga ah sidaas ayayna ku dhaqangalayaan.

QODOBKA 28aad

DIIWAANKA HAL-BEEGYADA

1. Hay'adda tayo-dhawrka waxay yeelanysaa diiwaan u gaar ah hal-beegyada Tayo-dhawrkaDalka.
2. Marka wax laga badalayo ama lagu darayo waxaa lagu cadeynayaa diiwaanka dhammaan Isbadalada iyo qaabka ay u dhaceen.

QODOBKA 29aad

FAAFINTA HAL-BEEGYADA

1. Waxaa waajib ah in lagu faafijo faafinta rasmiga ah iyo warbaahinta dhammaan hal-beegyada cusub ujeedooyinkooda, tixraacooda, taariikhda la ansixiyay iyo faahfaahinta loo baahan-yahay oo dhan.

2. Goluhu wuxuu wax-ka-beddel ku sameyn karaa ama uu ka saari karaa Halbeeg ama jaangooyo hore loofaafiyey.

QODOBKA 30aad

HAL-BEEGYADA KHASABKA AH

1. Golaha Hay'adda Tayo-dhawrka waxay awood u leeyihii ayagoo ku saleynayo talo-bixinta guddiyada farsamo, in ay soo saaraan hal-beegyo ama jaangooyoyin lagu xakameynayo badeecoooyinka xariir toos ah la leh noolaha iyo bay'ada
2. Waxaa reebban soo dhoofinta, soo-saaridda ama dhoofiska badeeco hal-beegeedda uusan waafaqsaneyn kan lagu caddeeyay go'aannada iyo faafinta rasmiga ah eeHay'adda.
3. Waxaa reebban Isticmaalka summadda ama astaanta tayada Hay'adda ayadoon loo haysan oggolaanshocad.
4. Waxaa reebban in Dalka lasoo galiyo ama laga dhoofiyo agab ama anfac been abuur ah ama tayadeeda lagabeen-sheegay.
5. Waxaa reebban in Dalka lasoo galiyo agab ama anfaaci taariikhdeedu dhacsan tahay ama ka mid ah badeecadaha daaha oo dhicitaankeedu ka dhimantahay wax kayar hal sano.
6. Agabka ama anfaaciga muddada isticmaalkiisu (shelf life) ay ka yartahay hal sano waa inuusan ka yaraan waqtiga u harsan marka uu soo galayo dalka 50% (boqolkiiba konton) guud ahaan waqtigisa nolosha.
7. Qofkii ku xad gudba faqradaaha (1,2,3,4,5,6) ee qodobkan iyo dhammaan go'aannada Hay'adda Tayo-dhawrka, waxaa lala tiigsanaya Shuruucdadalka.

QODOBKA 31aad

DHAQAN-GELINTA HAL-BEEGYADA

1. Waxawaajibkuahganacsatadinaydhownraanhhal-beegyadaDalka
2. Marka la furayo warshad ama qeybo wax soo saar waa in ay markastaba halbeegooda ku saleysan yahay midka dalka udagsan.

QAYBTA 4AAD
CABIRRADA IYO BAAREYAASHA

QODOBKA 32aad
UJEEDADA CABIRRADA

1. Waxaa loola jeedaa cabbirka hab cilmi qiyaaseed lagu ogado tilmaamaha dhirir, mug, cuf, iyo wixii lamid ah oo ay leedahay agabka.
2. In la helo cabbirro khaas ah, waxa ay muhiim u tahay horumarinta jaan-goynta loo baahan yahay in lagu jaangooyo badeecadaha noocyadooda kaladuwan.
3. In la dhiirri-geliyo cilmi baarista iyo horumarinta cabbiradda si loo kordhiyo fursadaha hay'aduhu ka heli karaan ama ka qaadankaraan is dhaafsiga farsamada iyagoo adeegsanayacabbiradaas.

QODOBKA 33aad
ADEEGSIGA CABIRRADA

Hay'adda tayo-dhawrka soomaaliyeed waxay ku soo-saaraysaa xeer-hoosaadkeeda diiwaanka cabiradda Qaranka oo faahfaahsan.

QODOBKA 34aad
MAGACAABIDDA IYO AWOODAHA BAAREYAASHA

1. Baareyaasha waa shaqaale ka tirsan hay'adda tayo-dhowrka waxaana magacaabayamaareeyaha.
2. **Qof kasta ama xubnaha loo magacaabayo baareyaasha waa inuu:**
 - a) **Yahay Muwaadin Soomaalih.**
 - b) **Leeyahay aqoon iyo khibrad la xiriirtabaarista.**
 - c) **Ku sifoobay akhlaaq iyodadnimo-wanaag.**
 - d) **Ku sifoobay ammaano iyodhowrsanaan.**

3. Baaruuhu wuxuu awood u leeyahay in uu hakin karo ama joojin karo agab kasta oo aan waafaqsanaynSharcigan.
4. Hay'adda tayo-dhawrka Soomaaliyeed waxay soo-saaraysaa Xeer-hoosaad lagu tilmaamayo awoodaha iyo hab-sami u socodka howlaha baarista iyobaareyaasha.

QEYBTA 5AAD

ASTAAMAHAYO SHAHAADADATAYADA

QODOBKA 35aad

ASTAAMAHAYO HEERKA-TAYADA YO SHAHAADADA

1. Hay'adda waxay leedahay astaan u gaar ah oo loo yaqaano astaanta tayada, waxaana isticmaalaya wax soo-saarahaa, dhoofiyaha iyo soo-dhoofsadaha kaddib markii ay ogaato Hay'adda tayo-dhawrka in badeecada ay waafaqsan tahay hal-beegyada Dalka.
2. Hay'addu waxay bixineysaa shahaado tayo taasoo muujineysa in adeega ama badeecada ay waafaqsan tahay hal-beegyada gaarka u ah badeecadaas.
3. Hay'addu waxay caddeyneysaa shuruudaha iyo habka lagu qaadan karo astaanta iyo shahaadada tayada.

QODOBKA 36aad

GO'AANNADA TAYO DHOWRKA HAY'ADDA

Go'aannada Hay'adda ee ku salaysan baaritaan, waa kama dambeys aan racfaan laga qaadan karin waxayna ku lifaaqeysaa warbixinta sheybaarka.

QODOBKA 37aad

KHIDMADDAHAY'ADDA

Khidmadaha hay'adda ay ku qaadeyso adeegyada ay bixiso waxaa xeer ku saaraaya Wasiirka Wasaarada Ganacsiga iyo Warshadaha ka dib markuu latashado golaha maamulka iyomaareeyaha.

**QEYBTA 6AAD
XIRIIRADA HAY'ADDA
QODOBKA 38aad
HABKA WADA-TASHIGA HAY'ADDA IYO GANACSATADA**

Wada-tashiga Hay'adda iyo ganacsatada waa saldhigga wada-shaqeynta labada dhinac si loo gaaro himilada, hiigsiga, iyo in la helo tayo-dhawr lagu baahiyio dalka oo dhan, iyadoo laga wada shaqaynayo horumarinta, casriyeynta ganacsiga iyo wax-soo-saarkaDalka.

**QODOBKA 39aad
ISKA HOR-IMAADKA DANAHА ISDIIDAN**

Madaxda sare ee Hay'adda iyo Shaqaalahaba waxaa ka reebban qabashada howlo ka hor imaan kara hawlaha hay'adda ama carqaladeyn kara wax qabadkeeda.

**QEYBTA 7AAD
QODOBBO GUUD
QODOBKA 40aad
KOR-MEERKA IYO KOR-JOOGTAYNTA**

Hay'addu waxay si joogto ah u samaynaysaa kormeer ay ku hubinayso in lafaliyay Sharcigan iyo Xeer-nidaaminta ay hay'addu soo saartay.

**QODOBKA 41aad
GANAAXA**

Hay'addu waxay awood u leedahay in ay ganaaxdo ciddi ku xad gudubta sharcigan, haddiise uu jiro fal dambiyeed waxaa loo gudbinyaa hay'adaha ku shaqada leh.

**QODOBKA 42aad
XIRIIRADA HAY'ADDA**

Hay'addu waxay dhaqan-gelinaysaa Heshiisyada Caalami ama gobol oo ay Soomaaliya qeybta ka tahay, kuwaas oo la xariira arrimaha hal-beegyada iyo Tayo-dhawrka.

QODOBKA 43aad FASIRAADDA SHARCIGA

Sharcigan wixii **aan** si cad loogu qeexin, waxaa loo fasirayaa si waafaqsan Dastuurka Dalka iyo Sharciyada kale ee dhaqan-galka ah.

QODOBKA 44aad BAABI'IN

Sharcigan wuxuu baabi'inayaa Sharci kasta oo ka hor-imaanaya ama aan la socon karin.

QODOBKA 45aad DHAQAN-GAL

Sharcigan waxaa uu dhaqan-gelayaa marka Madaxweynaha JFS uu saxiixo laguna soo-saaro faafinta Rasmiga ah.